



Serenissimi, & invictissimi

Principis, IACOBI BRITANNIARVM
ET GALLIARVM REGIS,
ΣΤΕΦΑΝΟΦΟΙΑ.

Per T. CRAGIVM I.C.
EDINBURGENVM.



Excudebat Robertus

CHARTERIS TYPOGRAPHVS.

ANNO DOM. 1603.

De D. Cragio.

Eximius legum Doctor, quo nemo clientium
Causis agendis doctior:
Historicus certe nulli hac etate secundus,
Forsan nepotes audient:
Quamque bonus pater, nuper Permesside nata
Testantur hac Poëmata:
Cragius ista orbi ingenij monumenta propinat,
Alia daturus illico.
Nulli aequae, ac Regi poterit labor utilis esse
Tot inclito scientijs:
I nunc (magne Britanne) infer te rebus agendis,
Si fortiter quid egeris,
Scis ubi sit Cicero, Patavinus, Papinianus,
Homerus, ac aliter Maro.

P. Rollocus
Episcopus Caledon.



Serenissimi, & invictissimi

Principis, IACOBI BRITANNIARVM
REGIS, STEPHANOPOIA.

Ad. Rich.
SI Cerat in fatis, & vatum oracla
canebant,
Coniuge de Franca genitum, &
de sanguine BRVS I,
Sed non ante gradum, nono qui
proximus esset,
Venturum, cui se formosa Bri-
tannia subdet,

Qua circumfuso Oceani compescitur æstu.

Multi hæc, ceu dubij vatum præfagia casus
Vana putant, sortisque omnes ambage maligna,
Deberi Æolijs tanquam ludibria ventis,
Cum nulli fas sit fatorum evolvere leges:
Ast alij, haud incerta ferunt, documenta futuri,
Prodere posse pios arcano numine vates:
Scilicet, humanos postquam furor entheus, omnes
Expulerit sensus, vatum super æthera tollit
Pectora & æternæ reddit patientia lucis:
Hinc fati mens illa capax, solersque futuri:
Nec pater umbrarum, mundique novissimus hæres,
Creditor antiquis, venturi nescius ævi.
Et vivunt hodie Cumææ carmina vatis,
A priscais laudata fatis, sic providus Æther

Scire homines voluit, magnos nil fallere Divos
Et nescire tamen, supera quid agatur in arce,
Sed ventura Deus multa caligine misit,
Et fatum voluit crassa sub nube latere.

Ipse incertus agor, quo me duce, quo lare tuter,
Et tamen, ut verum fatear, non vatibus omnem
Posse fidem tolli, docuit saepe exitus ingens.
En quæ Cimmeriis latuit damnata tenebris,
Oraculi quæsitæ fides, nunc luce reclusa est,
Eventu manifesta suo, pulcherrima coniux
Liligeri Regis, natum est enixa, potentis
Imperii heredem, decimumque ab origine **Brutus**,
Quique hodie regni fines extendit in æquor,
Quo cœu nativo munita Britannia vallo est,
Sic sese tandem longis anfractibus ævi
Evolvunt, panduntque suo se tempore fata:
Non secus ac Phrygijs ludens Mæander in arvis,
Itque, reditque suos toties revolutus in ortus,
Ambiguusque viæ, nunc huc, nunc flectitur illuc,
Dum varijs tandem fessas erroribus undas
In mare provoluens, pelago decurrat aperto;

Proxime Dijs princeps, cuius cum nomine virtus,
Cum meritis pietas, totum spectata per orbem
Cujus in aspectu probitas, in pectore candor
Scribitur, & lætos diffundunt lumina honores:
Ingredere, & votis hominum, fatisque Deorum
Lætus ini solium, tibi debita sceptra capeffens,
Fortunæ maioris honos non contigit ulli,
Scilicet ut per te, nunc ferrea desinet ætas,
Alternis odiis, furiisque immanibus acta,
Aurea succedat, nullis obnoxia læclis,

Sat super imperio certatum est hæcenus armis;
Nunc utriusque salus populi, dum pendet ab uno
Qui socias junxit, se foederis obside, dextras.
Certandum officiis, meritis, pietate, fideque,
Iungat in abrupto nos ut concordia vincolo.

Quæ studia, & veri certa argumenta favoris,
Præbuerant, quanto flammæ pectora motu
Magnanimi Anglorum Proceres, Rex optime, nulli
Quam tibi cognitius Dominæ post fata prioris,
(Quam fragili nuper Parcæ solvere senecta,
Postquam indignantes sub iura redegit Hibernos,
Et numerum foelix cœlestum his mensibus auxit)
Tu tanquam populi votis aptissimus vnus.
Cunctorum es studiis ad publica scepra vocatus;
Nempe salus per te populis inopina refulsit,
Publica mox lætas caluerunt vota per urbes,
Virgine mutata Phœbæa, ubique cupressi,
Accensi proceres cura properante volabant,
Quis sceptri primos tibi grataretur honores,
Non equiti sonipes, cunctas mutatus in horas
Suffecit, nec equum rapidis calcaribus armi.
At tu festinus nimium, nimiumque tuorum,
Securusque tui, penè in comitatus abibas,
Non lachrymæ, tristefque preces, nō vota morantur;
Non si quid charum est homini te flebile planxit
Conscius ille tui quondam Bodotria partus,
Clotraq, & electro qui purior æquora lambit
Taus, & ille canum tibi tot latratibus actus
Levinus, vitreis te Spæa argenteus undis,
Te fontes abeuntem omnes flere, lacusque.
Signabat gemini limes divortia regni,
Pene sui iuris, famulæque oblitus habenz,

Tueda amnis, nunquam qui ripæ vtriusque priorem
Rectorem ante tulit, blandas tunc mitior vndas
Extulit, vt Domino properanti occurrere possit,
Et postquam ambrosiæ est admissus ad oscula dextræ,
(Sed supplex genibusque minor) iuravit in omne
Obsequium, quacunque vagas post flecteret vndas,
Astræque suos iussus submittere fluctus
Paruit, & leges, venturum accepit in ævum,
Mox sua nativo reperens sub pumice tecta
Lætior, & vineta redimitus arundine crines,
Excit amatrices vitreo de gurgite Nymphas,
Et simul, ò natæ (siquid mihi creditis) inquit,
Ludereque, & festus licet indulgere choræis
Et nihil est nobis post hæc hostile timendum,
Nocturnique omnes Fauni, Satyrique salaces
Quique alij, vestro insidias struxere pudori,
Præcipiti ad Belgas fugere per æquora cursu;
Nunc (licet) vt tuta hic armenta vtrinque pererrent:
Securi geminæ pecudes ad pascua ripæ
Vicini invitent, genitrix Astræa quietis,
Hic senium & senij sanctam sibi destinat aulam,
Ipse mihi hic celsas, operosis molibus ædes
Molior, hic procerum turrata palatia surgent,
Hic liquidi fontes, hic gramine roscida prata
Lanigerique gregis geminus bibit ubera foetus,
Hic Cæreris foecundus ager, nec amcenior vquam est,
Aut vbi celestis, post hæc reverentia iuris
Plus poterit, poteritve minus violentia tristis.

At tu Parthorum missa, post terga, sagitta,
Ocyor, vt Tuedam, & campos, vbi sæva iugales
Flectere sanguineo solita est Bellona flagello,

Liquisti

Liquisti, optatis tandem consistis in arvis,
Vt paruit manifesta fides, liquere penates
Quisque suos, rapienda volant ad gaudia cuncti
Præcipites, credas Hyblæa examina fundi
In cellas abitura novas, sic vndique nimbos
Pulveris attollunt, studio properante videndi,
Non anni tenuere senes, (dant gaudia vires)
Et spreto accurrunt, matresque nurusque pudore,
Dilecto vt domini satiarent lumina vultu:
Vt videre, novo saliebant viscera motu,
Inque tua omnigenas aptant præconia voces,
Et celsa arcanis penetrantes sidera votis,
Pars faustum, scælixque novum Diadema precantur,
Pars tibi, pars natis, Pylij ter Nestoris annos.
Ductaque Phryxæo de vellere tempora regni,
Omnis veris honos, & odori gloria prati
Texit iter, violisque viæ, sertisque virebant,
Et ne luminibus venientum fortè noceret,
Plurimus effusis pulvis compescitur vndis,
Tanta tibi vt placeant populosum cura tenebat.

Ventum ad turritas operosis mœnibus vrbes,
Claustraque portarum foribus solidata superbis,
Hic poteras vitæ fructus sensisse prioris:
Inscriptus portis vrbis, quæmcunque subibas,
DULCIS AMOR populi, faustumq; adiungitur om̃i,
Implicito ex hedera radians VICTORIA scerto.
Effusi occurrunt passim per compita cives:
Pars patulis ineunt sublimia tecta fenestris,
Inde vt inexplèto venientem lumine spectent,
Eque tuo dulci delibent gaudia vultu.
Inter odoratas lauros, violasque recentes,

Tantum iter est, cum tu medias vēherere per urbes:
Nec minor hospitiiis luxus, quocunque receptus,
Attalico latē splendebant omnia cultu,
Et comites inter, Bacchus geminatur in auro,
Plurima Erythræis fulgebant pocula baccis,
Inde super strato quoties discumbitur ostro,
Et dederant mensæ, alloquio tempusque, locumque,
Hic gravia attonitus stupet ore cadentia verba,
Et juvenem Pylæ superantem mella senectę,
Compositos alius mores, formamque decoram,
Æthereaque omnes cœlestia pondera mentis,
Nec non dona ferunt, quæ cuique est copia rerum,
Hic solido crassos auro crateras, & ille
Alipedes ducebat equos, ostroque decoros:
Tertius Eoo collectas æquore gemmas:
Talis erat populi facies, his lata fremebat
Quæque aras studiis, & tantæ in munere laudis,
Publica cum vero manifestant gaudia amore.

Maeste animi, populi que tui, procerumque favore,
Dii superi faciant, in sæcula cuncta fruaris,
Sic tamen ut cunctis etiam videre mereri,
Utque Pater patriæ longo memoreris in ævo.
Non vigil, & pernox, si te custodia cingat,
Aut centum ærati vestes & ahenea claudant
Robora, securos sine sollicitudine somnos
Præstiterint, quam si populi valleris amore
Perpetuo, invitis nemo unquam extorsit amari,
Sed meritis favor, & sola virtute paratur.

Apparent jam celsa procul venientibus urbis
Mœnia, Dardanix quæ nunc subit æmula Romæ:
Ipse etiam primis nova Troja est dicta sub annis,

Sed

Sed quia displicuit fatumque, omenque prioris,
Maluit a magno deducere nomina Luddo.

Iamque aderant tantæ lecti de civibus urbis
Quingenti, Tyrio fulgentes murice & ostro,
Sublimes in equis, phalerisque nitentibus omnes,
Omnibus obtorti per collum circulus auri,
Gratanturque novi Domino primordia regnæ
Utque sui ingressus non dedignetur honore,
Quos longo sciret præcordia tendere voto,
Supplice voce rogant, neq; enim jucundius unquam
Tyndaridum sidus, puppi illuxisse ferebant,
Quam ferus Hiberno bacchatus in æquore turbo
Oppugnat, ventique simul transversa ferentes,
Vicinam exitio jam Diis votisque relinquunt:
Nec tam dulce iubar, Phœbi surgentis Eoo
Cardine, cum tenebras radiis dissolvit inertes,
Et rosea obscuras illustrat lampade terras:
Quam Domini (aiebant) vultus iucundus amari est.

Ille graves in amore moras, quascunque sciebat,
Nec maiore premi mortales posse labore,
Quam cum spes lenta est, & voto serior omni,
Sic facilis præcos urbi largitur honores,
Indicitque diem, capitis quo insigne superbum,
Imperiique simul caperet diadema Britanni.
Ilicet accensi studiis properantibus omnes,
Anxia in assiduas extendunt pectora curas,
Dividitur vulgus studiis, operumque labore:
Ante fores urbis pompæ instrumenta futuræ
Multa parabantur, variisque instructa columnis
Compita, porticibusque novis laqueata nitebant
Mœnia, & innumeris surgebant tecta theatris

Iamque triumphales, per quos incederet, arcus
Erecti, & varijs fulgentia peginata formis,
Quæque homini tanta sperare licebat in vrbe:
Arsacidum nunquam tam magno regia fastu
Intumuit, non sic Pharij Regina Canopi,
Aufonios in tecta duces Cleopatra recepit.
Sed nulla in terris, solida & sincera voluptas,
Inque vices misto turbantur gaudia luctu.

Exierat furvis Aleæto infausta tenebris,
Bella sinu, pestemque ferens, dum circinat orbem,
Hæc præ tandem ad sedem pervenerat vrbs,
Aspicit egregias operosis molibus ædes,
Quæque Semiramidis certabant tecta theatris,
Nec cohibet luctus, quia nil lugubre videbat:
Mox ubi cuncta novis vidit fervere triumphis,
Obliqua invidia, & stimulis flammata doloris,
Erigit infernos capitis pro crinibus angues,
Et quassans caput obscura ferrugine tectum:
Hos ego mox tristi mutabo dolore triumphos,
Et nostri(aiebat) faciam monumenta trophæi.
Tum sævæ è gremio diffudit semina pestis,
Principiò sensim, nec quam cognoscere possis,
Irrepens, cives depascitur arida febris,
Igneaque in venas agitur sitis, atraque tabes
Membra minutatim morbo collapsa trahebat:
Ingressusque oculos condit stupor altus inertes,
Et cadit in terram devexo pondere cervix,
Et jam letiferas vires cumularat eundo,
Atque vna involuens vulgus grassante ruina,
Lurida per cunctos serpit contagio cives:
Fumus ubique frequens, & plurima mortis imago,

Finis

Sed

Sed metuens, Domini nunquam nō provida virtus,
Ne populi attactu crudesceret arida tabes,
Imperat ut cœpti fileant ubicunque triumphis:
Ac veluti cautus sublimi in puppe Magister
Surgentes longè spectans in nubibus Euros,
Humida venturæ subducit vela procellæ.

Tantum immensi sumptus periero laborum;
Sed voluisse sat est pro facto est sæpe voluntas.
Nec minus (ô vrbes inter clarissimæ cunctas)
Grata tuæ Domino fuerat pietatis imago,
Quam si purpurea procerum stipante corona,
Aureus & fulgens stellantibus undique gemmis.
Quadriugo curru & lectis candore nivali
Vectus equis populoque vias plaudente per omnes,
Intra sset vacuum nondum tot civibus urbem,
Romanos quo more duces ad templa Deorum
Confecto soliti bello vexisse triumphis.
Hæc tibi pro tanta intereâ pietate precamur,
Molliat hanc subito cœli clementia tabem,
Ne te, neve tuas unquam reditura laceſſat,
Nec muros pulset violenti machina belli,
Non te tortilibus vibrata Phalarica nervis,
Martia non dulces rumpant tibi classica somnos.
Sed pax te niveis semper complexa lacertis,
Accumulet cunctas multa tibi mercede tabernas,
Plena tibi salux referant compendia puppes,
Messe sua te Arabes, te gemmis India ditet,
Vellere te molli quod tondent stipite Seres,
Et nullum sulces quod non tibi serviat æquor.

Sed quæ communi rerum coniuncta salutis
Vota hominum, frustrata diu, populumque, patresq;

Non longas valere moras, non tardia ferre,
Iam quas Romanæ struxit pater impius aula,
Insidiæ & fraudes, quibus hunc avertere terris
Initiuit solem, manifesta luce reiectæ.

Ipse dies aderat, Parcarum conditus albo
Vellereque, & niveo signandus marimore semper,
Quo capitis decus, & regni diadema Britanni
Acciperet communis amor, cœlique, solique,
Ocyor exurgens, quam cœli posceret ordo
Phœbus, ab Eo patefecit cardine portas,
Et præ se noctem solito properantior vrgens:
Cuncta repurgato deterisit nubila Cœlo,
Atque invita novæ cesserunt sidera luci.
Ipse pater quo iam custode Britannia tuta est
Oceanus, curru bipedum sublimis equorum
In tua, sed primus, iuravit verba, tuumque
Obsequium, famulasque suas devoverat vndas.
Nec non & volucris vectus per inania curru
Iupiter, ut rabiem canis, æstiferique leonis
Molliret, grato descendit plurimus Imbri.

At Thamesis blando testatus gaudia fluctu
Mitis, & in morem stagni se stravit opaci,
Et tumidas placidus per noctem leniit vndas,
Ut remis omne, & ratibus luctamen abesset,
Ipse humeros latos innato murice tectus,
Implicuit vinctis pellucida cornua fertis
Latus, & attonito similis super hospite tanto
Accepit Dominum juxta pulcherrima coniux,
Numinibus, votisque vacans, & dulce mariti
Tormentum, pulchri proscindit fluminis vndas,
Lanumera circum, supraque, infraque, carinæ,

Cærule

Czrula findebant, latuit sub puppibus æquor:
 Interea insigni comitum cingente corona,
 Puppibus expositus, vultuque immotus eodem,
 Fortuna crescente licet, (trahere omnia secum
 Lumina spectantium vultus est visus honore)
 Et tendit gressus operosi ad limina templi:
 Hic vbi magnanimi solium conscendere Regis
 Saxonidum soliti, capitisque insigne superbum
 Indueſſe, & regni primos attollere fasces.
 Dum graditur toto manifestus in agmine supra est,
 Et populi tacitum pertentant gaudia pectus,
 Et vivæ in Domino speciem virtutis adorant.
 Quid primum, mediumve feram? quæve ultima fessis
 Accipiet me meta? sequi si singula pergam
 Deterere ingenii vitio tunc cuncta videbor,
 Non mihi Mæonii calami si gloria detur,
 Innumeras valeam species, cultusque locorum,
 Pieriis æquare modis, nec carmine quovis
 Expediam, cui maior honos aut gloria vestis,
 Tot proceres auro effulgent, gemmisque decori.
 Summa tamen breviter repetam fastigia rerum.
 Qua graditur, vestibat honos iter omne, tapetes
 Spectantium variis fallebant lumina formis.
 At postquam summi ventum ad penetralia templi
 Ceu reliqua, tum nulla forent miracula, in urbe,
 Arsacio late fulgebant omnia luxu,
 Ipsa manu visa est, templum instruxisse Voluptas,
 Robora Dalmatico stabant satiata metallo,
 Diversis Numidum fastigia nixa columnis,
 Et crasso latè laquearia fulta metallo:
 Arte laboratæ vestes auroque decoræ,

Lydia Sidonio quas ars intexerat ostro
Vndique pendeant, prohibet me plura referre,
Qui mihi tum attonitos fulgor perstrinxit ocellos.
Singula distinxit rerum pulcherrimus ordo:
At Rex, ut primum fatali marmore sedir,
Seu populis cœlo dimissum lumen ab alto,
Illius ecce humeros, pectusque, manusque, pedesque
Vnixit odorato præsul Dorobernus olivo,
Præsul honorato virtutum nomine: notus
A Calpe late spatiantis ad ostia Gangis:
Nempe omnes sophiæ, & fandi doctissimus artes.
Induit & trabeam, magni velamen honoris:
Pontifices reliqui, & procures longo ordine ducunt,
Sistentes sacris (ut mos) solenniter aris,
Rex primum hic summum solita prece numen ami-
Post hæc conceptis juravit fœdera verbis, (car,
Et populi æternæ se (Cœlo teste) saluti
Despondit, vultu ingenuum prodente pudorem:
Verba præit, velut antè, idem Dorobernus, & ore
Facundo sceptri leges, sacræque Coronæ
Explicat, & quid Rex populo, populusque vicissim
Quid Regi, & soboli, in venientes debeat annos,
Quid jurata fides Domino, poscebat utrunque.
Tum capiti gravidam baccis, gemmisque coronam,
Et dextræ sceptrum populis fatale regendis
Imponit, saustumque illi fœlixque precatur
Imperium, & longi gratissima tempora regni,
Perputea procures fulgentes veste, corollis
Insignes, tangunt dextra Diadema, fidemque
Iurantes, sacræ delibant oscula dextræ,
Quisquis adest bona verba refert, studiisq. precantum
Accen-

Accensus, variis resonat clamoribus Æther,
Inde pares sociæ thalami repetuntur honores
Lætitia indicibus, lucebant compita flammis,
Fulminibus crebris stygii Iovis aula tonabat,
Læta Coronati celebrant convivia cives.
Et quanquam infesti vrgerent contagia morbi
Vndique, tristities tota tamen exulat vrbe.

Iam sceptro insignis, capitis iam celsus honore es,
Spemque facis, nulli hæc concredita dignius unquã:
Non aliud, Regis sceptro coniuncta corona est,
Summa nisi summæ virtuti innixa potestas,
Imperium sceptro virtus signata corona est,
Aurea nunc olim, de silvis sceptrum cadebant,
Et manibus regum a priscis gestanda dabantur,
Vt sceptro erigerent humiles, premerentq. superbos,
Vt precii & pœnæ certo moderamine, princeps
In populo regnet, ceu iure armata potestas
Vindice iustitiam, quo Nemo impunè laceſſat.
Quæque hodie fulget stellantibus obsita gemmis,
Præbuit hanc priscis gramen, quercusque coronam;
Laurea mox ducibus bello concessa peracto,
Velatique suos Phœbæa virgine crines,
Scandebant merito Capitolia celsa triumpho
Vt crevit virtus, sic creverat illa priorum
Materies, quæ nunc gemmis insignis & auro est,
Non alios prisci norant virtutis honores,
Virtutisque fuit tantum censura, corona:
Sic sceptrum imperii in signum regale dabatur,
Non alii, quam qui summa virtutis in arce
Cõsisterat meritis princeps, qui scedere certo,
Et premere, & laxas sciret permittere habenas,

Scilicet his veteres voluerunt prodere signis
Quid populo reges debent, quo foedere vincti
Primi homines coiere vno sub principe, & omne
Regibus in sese imperium tribuere volentes,
Nempe ut iusticiæ princeps examine certo
Cuncta regat, ne vis quicquam aut furiosa potestas
Audeat in miseros, aut jus sibi vindicet ensis:
Quid fas, atque nefas, ut solo examine pendat
Iusticiæ, cuius ratio solius habenda est
Ante oculos, quam nullius violentia vincat.

At tibi præ cunctis fortunatissime regum
Perpetua Astrææ semper sit cura tuendæ,
Quæ tibi tam lati peperit diademata regni,
Inque tuos eadem hæc transmittet sceptrâ nepotes,
Ni facias, rerum æterna compage soluta
In Chaos antiquum redeant ut cuncta, necesse est,
Et quam debueras cohibere, licentia vinclis
Libera perque ædes bacchata impune minores,
Altiùs attollet caput, arreptisque superba
Fascibus, audebit forsan maiora, nec ipsos
Iam metuet rerum Dominos, nec forsitan illis
Effera iam parcat, sumptis audacior alis,
Qui potuere prius poena cohibere magistra.

Creditur ille sacer (nec vana ea fabula vatum est)
Bruta, ferasque simul numeris vocalibus Orpheus
Induxisse lyræ, sociæ ad consortia vitæ,
Nil aliud mollire feras, numerisve, lyrave,
Quam brutos homines, sanæ rationis egentes,
Et quibus in solo vivendi causa palato est,
Consensu unanimi cultas diffundere in urbes,
Ut possint socias vitæ componere curas,

Nempe

Nempe illo violenti homines sub principe nulli,
Illius imperio feritas infesta repressa est,
Nec miseros tunc oppressit truculenta tyrannis,
Et nullæ horrendos pecudes metuere leones,
Sed tuti latuere lupis custodibus agni,
Et canibus misti repetebant pabula damæ,
Tigribus Armenijs vicina armenta cubabant.
Vincta manus post terga, ferox violentia tetra
Carcere, terga dabat duris vrenda flagellis,
Æternis chalybum nodis constricta lacertos.

Huic divæ germana soror, vitamque per omnem,
Indivisa comes, rerum Prudentia solers
Venturæ in cunctos vitæ tibi serviat usus:
Sic aderat magno Tritonia semper Achilli,
Hæserat illa eadem Tydidæ, Ithacumque per vndas,
Erroresque omnes comes indefessa sequuta est,
Namque viros magnos prudentia sola periclis
Eripit, & clypeo minitanti fata retundit.
Sola omnis reatrix vigil est prudentia honoris,
Sceptrorumque eadem semper fidissima custos.
Si populi in studia, & mores discendere possis,
Omne feres punctum, populus fastidit, & odit,
Ægrotatque, aliquando furit, sed sæpe gravatur
Falsibus iniustis, sub iniquo pondere lugens,
His sua quæque malis semper medicina paranda est,
Sit prima in morbi causas inquirere cura.
Crescenti ut medica possis occurrere dextra,
Et facile expedites, neque erit te fallere quicquam,
Alloquio si mitis eris, populique precantis
Aure bibas facili, nec iniqua mente querelas,
Neve manus humiles unquam avertere precantum,

Et si fortè neges, saltem legisse placebis,
Et frontis sine nube, & cum ratione negasse.

Aonias cinxisse serunt testudine Thebas
Mœnibus, & duras animasse Amphiona cautes,
Saxaque non vllis traxisse sequentia plaustris,
Machina supposita est oneri non vlla ferendo,
Sponte sua in muros lapides coiere frequentes,
Non testudo aliud, quàm quæ violentior armis,
Sola reluctantes animos clementia frangit,
Vir bonus, & prudens verborum pondere dulci
Alliciet populum, quoscunque vocarit in vsus,
Quem prius imperio assuevit tractare sereno,
Et quocunque velit, sine vi, sine verberare ducet.

Nec minus, in quovis animus discrimine fortis
Laudis habet, sed iustitiæ fac serviat ille,
Nec tibi Mars placeat, nisi cum capere arma necesse
Aut tibi quod iustum, quod fas, vis sola recuset, (est,
Et nunquam in quemquam, nisi iustas sumpseris iras,
Alterius quæ parva malis, tristissima virtus,
Luctus, & accensis surgit qui ex urbibus ignis,
Et miseranda fames, & mors armata sequuntur,
Aurea temperies, & grata modestia morum,
Et luxum, & nimium laxas compescat habenas,
Lene fluunt omnes, ut quisque est maximus, amnes:
Torrentes immanè fremunt, & multa minati
Nequiequam in sese sine damno sæpe residunt,

Vivite foelices, & vincite vota precantur,
Tu proceresque tui, memorique recondite mente
Quæ sacras (si quid sanctum est) iurastis ad aras,
Tuque prior, cujus iusta ditione tenetur,
Insula dives agris, opibusque, armisque, virisque,

Et

Et cui cum incumbat rerum nunc publica moles;
Dividis ingentes, de te pulcherrime, curas,
Quid populo debes, quid dudum testibus aris,
Pollicitus sanctè es, tibi nulla oblitteret ætas,
Irrita nec subitæ rapiant jurata procellæ,
Nec pete, quas homini divini pagina verbi
Præscripsit leges transcendere, maxima rerum
Et meritò pietas homini est tutissima virtus,
Quippe timor Domini, populi coniunctus amorì,
Imperium fundat, gemino velut anchora morì,
In dubia firmat, puppes statione relictas.

Nec vos, ò lecti proceres, summiq; potentes
Consilii, immemores ventura redarguat ætas,
Stat iurata fides, æterno adamante notata
In cœlo, haud tutum est divino numine abuti,
Nulla diu stabunt decepto gaudia Cœlo,
Sic bonus ille Deum genitor decrevit ab alto,
Sollicitat vindicta illum, memorem usq; malorum,
Et neque quid secum læsi ferat ira Tonantis,
De vobis villo posthac memoretur in cœvo,
Lenta quidem, gravis ira tamen Rectoris olympi est.

At tu summe Deum, qui foedas sanguine gentes
Alternò toties, cœlo miseratus ab alto es
Saxonidis, Scotisq; diem hanc in sæcula lætam
Esse velis, nostrosq; huius meminisse nepotes,
Quæ potuit gentis finire vtriusq; furores,
Immortale odium, & nunquam sanabile vulnus:
Quaque prius, quæ sparsa vt rerum dissona moles,
In vultus, corpusq; novum coiisse feretur,
Sitque novo populus rerum sub præside foelix,
Sed populi obsequio longè foelicior ille,

Euboicique omnes transcendat pulveris annos;
 Quod quoniam immiti fatorum lege negatum,
 Sed redit in cinerem, quicquid de pulvere venit,
 Accipiat patris, sed serò filius hæres
 Henricus diadema senex, tribuatque nepoti
 Senior, & cœptis non desit fascibus hæres,
 Et vix dum certo signans vestigia gressu
 Carolus, in patriam surgat non degener hastam.
 Et sibi sceptrum manu pariat, modo regnet in ora,
 Electos ubi sola ferunt suffragia reges,
 Ornaturque suis meritorum indutria donis,
 Candida spe thalami surgat regalis Elisa,
 Sic Steuarta domus, reges regumque parentes
 Præbeat, in solem diffundens germina vtrumque,
 Dum feret astra polus, serient dum littora fluctus.

FINIS.



In ult. linea pag. 10. pro Fumus ubique frequens, lege Funus
 ubique frequens. &c.